

Butiran Penyedia Produk

Great Eastern Labuan Company Limited (LL21624), Penanggung Insurans Hayat Labuan dan Penanggung Insurans Semula Labuan (IS2025242) yang dilesenkan di bawah Akta Perkhidmatan Kewangan dan Sekuriti Labuan 2010 ("Great Eastern", "Syarikat", "Kami", "Pihak Kami", "Kami") ialah penyedia produk dan penaja jamin bagi polisi ini. Produk ini hanya diedarkan melalui wakil kami atau pengedar yang dilantik sahaja. Pelanggan boleh menghubungi Kami untuk sebarang pertanyaan.

Butiran perhubungan: Office Unit 4(A), Main Office Tower, Financial Park Complex Labuan, Jalan Merdeka, 87000, Wilayah Persekutuan Labuan.

Tel: +603 4813 3048

Laman sesawang: www.greateasternlife.com/labuan

E-mel: wecare-labuan@greateasternlife.com

Penerangan Produk

Prestige Wealth Index ialah pelan insurans endowment tanpa penyertaan dalam keuntungan dengan premium tunggal dalam nilai dolar Amerika Syarikat (AS). Ia menyediakan Manfaat Pendapatan Tahunan tidak dijamin, berdasarkan prestasi indeks atau indeks-indeks sandaran yang dipilih dalam tempoh 12 bulan berterusan, selepas pengagihan indeks semasa. Pulangan indeks positif tidak terhad, tertakluk pada kadar penyertaan segmen, manakala kadar pulangan minimum dijamin pada 0% setahun bagi melindungi polisi anda daripada prestasi pasaran yang lemah.

Apabila polisi matang, anda akan menerima manfaat matang yang terdiri daripada:

- premium tunggal standard; dan
- Manfaat Pendapatan Tahunan terakhir (jika ada).

Pelan ini juga menyediakan perlindungan kewangan terhadap kematian dan kematian akibat kemalangan.

Indeks Sandaran

Indeks S&P 500 Engle 6% VT TCA ialah indeks berasaskan peraturan yang memanfaatkan pengkaedahan kawalan turun naik unik yang melaraskan pendedahan secara dinamik pada indeks S&P 500 masa hadapan. Indeks ini menggunakan model ramalan turun naik yang memenangi Hadiah Nobel oleh Prof. Robert Engle, pemenang Hadiah Nobel Ekonomi 2003.

Dengan melaraskan pendedahan secara dinamik pada indeks S&P 500 masa hadapan, pulangan boleh berbeza dengan ketara daripada indeks S&P 500 itu sendiri. Sila ambil perhatian bahawa prestasi lepas tidak menggambarkan prestasi masa hadapan.

Untuk maklumat lanjut berkenaan indeks, sila rujuk pautan di bawah:

<https://www.spglobal.com/spdji/en/indices/multi-asset/sp-500-engle-6-vt-tca-index/#overview>

Indeks Citi Flexibeta 8% VT ialah indeks pelbagai aset berasaskan peraturan yang memperuntukkan dua portfolio secara dinamik: (1) Peruntukan Teras: portfolio dengan orientasi pertumbuhan terdiri daripada ekuiti, bon kerajaan dan emas dan/atau (2) Peruntukan Rizab: portfolio defensif terdiri daripada bon kerajaan.

Peruntukan dinamik dipacu dengan dua isyarat:

- suatu penunjuk risiko makro global pandang hadapan yang mengukur tanggapan risiko pasaran merentasi pasaran kewangan utama yang dipilih.
- penunjuk momentum yang mengukur aliran sejarah Peruntukan Teras.

Untuk maklumat lanjut berkenaan indeks, sila rujuk pautan di bawah:

<https://www.citivelocity.com/investmentstrategies/indices/ciisfb8v>

Berikut ialah ringkasan produk, dan anda dinasihatkan untuk merujuk kepada butiran penuh serta terma dan syarat lanjut dalam kontrak polisi.

Manfaat Produk

1. Manfaat Kematian

Jika hayat yang diasuranskan meninggal dunia bukan akibat kemalangan, Syarikat akan membayar 101% daripada premium tunggal standard, ditolak sebarang hutang di bawah polisi. Sebarang Manfaat Pendapatan Tahunan yang ditinggalkan dalam simpanan agar terkumpul dengan Kami juga akan dibayar dengan faedah yang diperoleh (jika ada).

Kami tidak akan membayar Manfaat Kematian jika tuntutan Manfaat Kematian Akibat Kemalangan telah dibayar oleh Kami.

2. Manfaat Kematian Akibat Kemalangan

Jika hayat yang diasuranskan meninggal dunia akibat kemalangan, Syarikat akan membayar 105% daripada premium tunggal standard, ditolak sebarang hutang di bawah polisi. Sebarang Manfaat Pendapatan Tahunan yang ditinggalkan dalam simpanan agar terkumpul dengan Kami juga akan dibayar dengan faedah yang diperoleh (jika ada).

3. Manfaat Pendapatan Tahunan

Derivatif akan digunakan bagi menyediakan Manfaat Pendapatan Tahunan tidak dijamin pada akhir setiap tempoh segmen yang berkenaan. Kadar pulangan dikira berdasarkan prestasi indeks atau indeks-indeks yang dipilih serta kadar penyertaan segmen.

Segmen sentiasa bermula pada hari ke-enam belas (16) setiap bulan (iaitu tarikh permulaan segmen) dan ia akan matang selepas dua belas (12) bulan, pada hari ke-lima belas (15) bulan yang sama pada tahun berikutnya (iaitu tarikh matang segmen). Tempoh dua belas (12) bulan ini dirujuk sebagai tempoh segmen.

Segmen pertama akan bermula pada bulan kalendar berikutnya dari tarikh keluaran polisi. Bergantung pada pengagihan indeks yang dipilih, sembilan (9) segmen bagi setiap indeks boleh diwujudkan sehingga akhir tempoh polisi selama sembilan (9) tahun.

Tempoh polisi bergantung pada tarikh permulaan bagi polisi dan mungkin melebihi sembilan (9) tahun.

Berikut adalah contoh ilustrasi bagaimana tempoh polisi boleh dilanjutkan melebihi sembilan (9) tahun.

Contoh:

Tarikh permulaan polisi: 25 Jun 2026

Tarikh matang polisi: 15 Julai 2035 (iaitu tarikh matang segmen terakhir)

Berdasarkan nilai pada masa pengiraan, **Manfaat Pendapatan Tahunan** dikira apabila segmen matang seperti berikut:

$$[\text{Pulangan Indeks} \times \text{Kadar Penyertaan}] \times \text{Premium Tunggal Standard} \times \text{Pengagihan Indeks}$$

* Tertakluk pada kadar pulangan minimum.

Untuk tujuan ilustrasi:

- Premium Tunggal Standard: USD \$100,000
- Kadar Penyertaan (Indeks A & B): 90%
- Pulangan Indeks (Indeks A & B): 5%
- Pengagihan Indeks:
Indeks A: 50%; Indeks B: 50%

	Pulangan Indeks	Kadar Penyertaan	Pengagihan Indeks	Manfaat Pendapatan Tahunan
Indeks A	5%	90%	50%	$5\% \times 90\% \times \text{USD } \$100,000 \times 50\%$ = USD \$2,250
Indeks B	5%	90%	50%	$5\% \times 90\% \times \text{USD } \$100,000 \times 50\%$ = USD \$2,250

Jumlah Manfaat Pendapatan Tahunan:

$$\text{USD } \$2,250 + \text{USD } \$2,250 = \text{USD } \$4,500$$

Pulangan Indeks ialah peratusan perubahan nilai indeks yang berkenaan dari permulaan hingga akhir segmen yang berkenaan. Ia dikira seperti berikut:

Nilai penutup pada tarikh matang segmen tolak

Nilai penutup pada hari urus niaga serta-merta sebelum tarikh permulaan segmen

Nilai penutup pada hari urus niaga serta-merta sebelum tarikh permulaan segmen

Nilai penutup merujuk pada nilai indeks pada akhir hari urus niaga.

Jika hari sebelum tarikh permulaan segmen atau tarikh matang segmen bukan hari urus niaga indeks, Kami akan menggunakan nilai penutup indeks tersebut dari hari urus niaga terkini sebelum tarikh tersebut.

Pulangan indeks bagi segmen yang berkenaan tidak terhad dan kadar pulangan minimum dijamin pada 0% setahun bagi melindungi polisi anda terhadap kemerosotan pasaran. Jika kadar pulangan ditentukan pada tahap minimum, tiada Manfaat Pendapatan Tahunan akan dibayar.

Kadar penyertaan ialah kadar yang digunakan untuk mengira Manfaat Pendapatan Tahunan. Kadar ini tidak dijamin dan mungkin berbeza bagi setiap segmen, tetapi ia tidak akan kurang daripada kadar penyertaan minimum dijamin sebanyak 60%. Kami akan menentukan kadar penyertaan pada tarikh permulaan segmen bagi segmen baharu. Setelah ditetapkan, kadar tersebut tidak akan berubah sepanjang tempoh segmen tersebut. Kadar penyertaan mungkin berubah setiap tahun. Kami akan memaklumkan anda dalam tempoh satu (1) bulan bagi sebarang perubahan pada kadar penyertaan.

Premium tunggal standard merujuk pada premium tunggal bagi polisi asas tanpa sebarang beban tambahan atau diskaun, jika berkenaan.

Pengagihan Indeks merujuk pada peruntukan semasa bagi peratusan premium tunggal standard yang diperuntukkan pada indeks atau indeks-indeks yang dipilih. Anda boleh memohon untuk menukar pengagihan indeks secara bertulis, menggunakan borang yang ditetapkan Kami. Sebarang perubahan tertakluk pada kelulusan Kami.

Agar perubahan pada pengagihan indeks berkuat kuasa bagi segmen akan datang, permohonan mesti diluluskan Kami sekurang-kurangnya empat (4) hari perniagaan sebelum tarikh permulaan segmen yang berkenaan. Jika kelulusan tidak diperoleh pada masanya, perubahan hanya akan berkenaan daripada tarikh permulaan segmen seterusnya pada tahun berikutnya.

Sebarang Manfaat Pendapatan Tahunan akan dibayar dalam satu jumlah sekali gus dalam tempoh empat belas (14) hari perniagaan dari tarikh matang segmen, dengan syarat polisi tersebut masih berkuat kuasa. Anda mempunyai pilihan untuk menarik balik amaun ini atau mengekalkannya dengan Kami bagi memperoleh faedah tidak dijamin. Sebarang hutang di bawah polisi akan ditolak daripada Manfaat Pendapatan Tahunan sebelum baki boleh dibayar.

Tiada Manfaat Pendapatan Tahunan akan dibayar jika polisi ditamatkan sebelum tarikh matang segmen yang berkenaan.

Kami mungkin menganggap perlu untuk menambah, menyingkirkan atau menggantikan mana-mana indeks sandaran dengan indeks lain mengikut budi bicara mutlak Kami jika:

- (a) indeks dihentikan;
- (b) indeks tidak lagi tersedia;
- (c) pengiraan indeks berubah secara ketara;
- (d) Kami telah menentukan bahawa indeks tidak akan digunakan lagi atas apa jua sebab; atau
- (e) Kami telah menentukan bahawa perubahan tersebut diperlukan agar selaras dengan objektif pelaburan, pengurusan risiko atau perniagaan Kami.

Dalam keadaan sedemikian, Kami akan memberi notis kepada anda sekurang-kurangnya satu (1) bulan. Jika Kami tidak dapat memenuhi tempoh notis atas sebab di luar kawalan Kami, Kami akan memaklumkan anda dengan secepat mungkin.

4. Manfaat Matang

Apabila hayat yang diasuranskan masih hidup sehingga tarikh matang bagi polisi, Syarikat akan membayar premium tunggal standard dengan Manfaat Pendapatan Tahunan terakhir (jika ada) dalam tempoh empat belas (14) hari perniagaan dari tarikh matang segmen terakhir. Sebarang Manfaat Pendapatan Tahunan yang ditinggalkan dalam simpanan agar terkumpul dengan Kami juga akan dibayar dengan faedah yang diperoleh (jika ada).

Sebarang hutang di bawah polisi akan ditolak sebelum baki dibayar dalam satu jumlah sekali gus.

5. Pilihan Pembayaran (jika berkenaan)

Anda akan mempunyai pilihan berikut bagi pembayaran Manfaat Kematian di bawah polisi ini:

- (i) Pembayaran sekali gus;
- (ii) Pembayaran ansuran berstruktur mengikut tempoh yang dipilih; dan/atau
- (iii) Pembayaran berdasarkan pencapaian penting mengikut tempoh yang dipilih apabila pencapaian penting terpilih berlaku.

Sila rujuk kontrak polisi bagi maklumat lanjut.

6. Serahan

Apabila premium tunggal telah dibayar, anda boleh memohon untuk serahan atau serahan sebahagian bagi polisi anda, tertakluk pada terma yang ditetapkan Syarikat. Jumlah yang dibayar akan berdasarkan kadar di bawah. Sebarang hutang di bawah polisi akan ditolak sebelum jumlah dibayar.

Tahun Polisi	Nilai serahan	Nilai serahan sebahagian
	% daripada premium tunggal standard	% daripada amaun penarikan balik
1		75%
2		78%
3		81%
4		84%
5		87%
6		90%
7		93%
8		95%
9		97%

Sekiranya serahan sebahagian berlaku, premium tunggal standard akan dikurangkan dengan amaun penarikan balik daripada polisi. Serahan sebahagian dibenarkan dengan syarat premium tunggal standard yang disemak semula tidak kurang daripada premium tunggal standard minimum.

Anda boleh rujuk nilai serahan dalam ilustrasi manfaat.

7. Apakah kesan serahan awal?

Memandangkan pembelian polisi insurans hayat merupakan komitmen jangka panjang, penamatan awal polisi biasanya melibatkan kos yang tinggi dan nilai serahan (jika ada) yang dibayar kepada anda mungkin menjadi sifar atau lebih rendah daripada jumlah premium yang telah dibayar.

Sila rujuk jadual penolakan dalam ilustrasi manfaat bagi kemungkinan kos serahan pelan awal.

8. Bilakah anda tidak akan menerima manfaat bagi pelan ini?

Terdapat situasi tertentu apabila Kami tidak akan membayar manfaat di bawah polisi ini. Syarat ini dinyatakan dalam kontrak polisi.

(a) Manfaat Kematian

Kami tidak akan membayar manfaat jika kematian berlaku akibat:

- (i) bunuh diri yang dilakukan ketika waras atau tidak waras; atau
- (ii) sebarang keadaan sedia ada

dalam tempoh dua belas (12) bulan dari tarikh keluaran polisi atau tarikh penguatkuasaan semula (jika berkenaan) dan polisi akan dianggap batal. Kami akan membayar balik baki premium yang telah dibayar tanpa faedah, selepas menolak sebarang tunggakan hutang serta sebarang manfaat yang telah dibayar di bawah polisi dan polisi akan ditamatkan.

(b) Manfaat Kematian Akibat Kemalangan

Kami tidak akan membayar sebarang manfaat bagi:

- (i) Tindakan sedar atau sengaja yang membahayakan diri
 - Tindakan sengaja hayat yang diasuranskan yang membahayakan nyawanya, seperti kecederaan diri, bunuh diri atau percubaan bunuh diri, membangkitkan keganasan, atau penyertaan aktif dalam mogok, rusuhan atau kekacauan awam, ketika waras atau tidak waras; atau
 - Melakukan atau percubaan melanggar undang-undang, sama ada secara langsung atau tidak langsung, serta mengelak daripada ditangkap dan/atau sebarang hasil hukuman penjara.
- (ii) Keadaan berkaitan kesihatan atau sedia ada
 - gangguan mental;
 - penyakit atau jangkitan (selain daripada jangkitan piogenik disebabkan belahan atau luka kemalangan);
 - kelahiran anak, kehamilan dan komplikasi yang berkaitan;
 - radiasi atau pencemaran melalui radioaktif;
 - di bawah pengaruh alkohol atau dadah (melainkan atas arahan oleh Pengamal Perubatan); atau
 - keadaan sedia ada.
- (iii) Kejadian berkaitan peperangan
 - Peperangan (sama ada diisytiharkan atau tidak), pencerobohan, pemberontakan, revolusi, perang saudara atau operasi seperti peperangan.
- (iv) Aktiviti berisiko tinggi
- (v) Aktiviti melibatkan senjata api dan bahan letupan.
- (vi) Berada di dalam atau di atas sebarang jenis pesawat, atau menaiki atau menuruni sebarang pesawat, kecuali sebagai penumpang yang membayar tambang atau sebagai anak kapal pada laluan berjadual tetap yang dikendalikan syarikat penerbangan diiktiraf.

- (vii) Semua jenis perlumbaan (kecuali berjalan kaki atau berbasikal yang disertai dengan organisasi berlesen) atau aktiviti sukan yang dilakukan secara profesional atau menjana pendapatan atau ganjaran daripada penglibatan dalam aktiviti tersebut;
- (viii) Kemalangan yang berlaku semasa hayat yang diasuranskan bekerja atau di tempat kerja berikut mengikut jenis pekerjaan hayat yang diasuranskan:
- Bekerja pada ketinggian lebih daripada atau bersamaan dua puluh (20) meter di atas tanah; atau dalam ruang terbatas seperti kapal, terowong, kerja kejuruteraan awam bawah tanah;
 - Bekerja di landasan kereta api, kapal atau limbungan kapal, bekerja di gudang dengan jentera dan kenderaan berat, stesen janakuasa, kilang kimia, loji perindustrian, pelantar luar pesisir, kem balak; atau bekerja dalam perniagaan pembinaan (termasuk pekerja pembinaan, pemasang kabel, juruelektrik); atau bekerja dengan kayu, logam, kaca atau peluntur;
 - Pengendalian, penyenggaraan dan/atau pemasangan jentera berat;
 - Menyediakan perkhidmatan perlindungan (termasuk pengawal kelab malam, anggota penyelamat, warden dan anggota bomba);
 - Kerja yang berkaitan dengan seni mempertahankan diri dan seumpamanya; atau sebagai artis seni persembahan (termasuk tetapi tidak terhad pada pelagak ngeri); atau
 - Penglibatan dalam tugas ketenteraan dan polis yang aktif seperti tugas/latihan komando atau pemusnahan bom, penjagaan ketenteraman awam, penglibatan dalam permusuhan sama ada perang diisytiharkan atau tidak dan perjalanan dengan pesawat tentera atau kapal air.

Nota: Senarai ini adalah tidak menyeluruh. Sila rujuk kontrak polisi untuk senarai penuh pengecualian di bawah pelan ini.

9. Adakah Kami akan mengubah kadar premium anda bagi pelan ini?

Perubahan kadar premium tidak berkenaan bagi pelan ini kerana ia merupakan polisi premium tunggal.

10. Yuran dan Caj

Satu-satunya kos yang perlu diberi perhatian ialah nilai serahan yang berkenaan sekiranya anda memilih untuk menyerahkan polisi lebih awal, apabila jumlah yang dibayar adalah berdasarkan nilai serahan semasa pada waktu tersebut.

Walau bagaimanapun, Kami tidak akan menanggung sebarang kos berkaitan dengan pemindahan telegraf, termasuk sebarang yuran atau caj bank yang ditanggung seperti mungkin dikenakan bagi sebarang pembayaran di bawah polisi ini.

Risiko polisi ini

1. Apakah akan berlaku jika anda menyerahkan polisi lebih awal?

Jika anda menyerahkan polisi selepas tempoh memerhati bebas, anda mungkin kehilangan sebahagian atau semua premium yang telah dibayar. Ia kerana nilai serahan yang anda terima, jika ada, mungkin kurang daripada premium keseluruhan yang telah dibayar.

Pembelian polisi baharu mungkin memerlukan Kami untuk menilai semula kesihatan dan keadaan hayat yang diasuranskan dan ia boleh menyebabkan premium yang lebih tinggi dan/atau pengecualian manfaat disebabkan umur dan status kesihatan.

2. Apakah senario terburuk jika anda menyerahkan polisi lebih awal?

Tiada perlindungan akan diberi jika anda menyerahkan polisi lebih awal dan anda mungkin hilang sebahagian atau semua premium anda. Ilustrasi amaun yang anda terima akan ditunjukkan pada lajur nilai serahan dalam ilustrasi manfaat.

3. Apakah yang berlaku jika polisi anda luput?

Tiada perlindungan akan diberi jika polisi anda luput. Ia mungkin berlaku apabila anda mempunyai tunggakan pinjaman terhadap polisi dan amaun pinjaman keseluruhan yang terhutang, termasuk sebarang faedah yang belum dibayar, melebihi nilai serahan polisi. Dalam kes sedemikian, polisi akan luput dan semua perlindungan akan dihentikan.

4. Apakah risiko jika kami menolak tuntutan anda?

Tuntutan mestilah memenuhi takrif kejadian seperti dinyatakan dalam kontrak polisi sebelum Kami meluluskan tuntutan dan kejadian ini mestilah tidak termasuk di bawah senarai pengecualian.

Kami mungkin menolak tuntutan anda jika hayat yang diasuranskan mempunyai keadaan sedia ada.

5. Apakah risiko lain bagi pelan ini?

Pelan ini menyediakan manfaat dijamin dan tidak dijamin. Kami akan bayar manfaat dijamin tanpa mengambil kira prestasi indeks sandaran. Manfaat tidak dijamin bergantung pada prestasi indeks sandaran.

Pelan ini dalam nilai mata wang dolar AS. Anda hendaklah mengetahui bahawa jika dolar AS bukan mata wang negara asal anda, anda akan terdedah pada risiko turun naik kadar tukaran asing antara masa pembelian polisi dan masa manfaat polisi dibayar. Anda perlu memahami dan menerima pendedahan terhadap tukaran mata wang asing ini.

6. Bilakah polisi anda akan ditamatkan?

Polisi anda akan tamat pada sebarang keadaan berikut, mana yang lebih awal:

- (a) apabila hayat yang diasuranskan meninggal dunia;
- (b) apabila polisi matang; atau
- (c) apabila polisi luput, diserahkan atau ditamatkan sebaliknya.

7. Apakah tempoh memerhati bebas?

Selepas membeli polisi insurans hayat, anda mempunyai tempoh memerhati bebas selama empat belas (14) hari bermula dari hari anda menerima dokumen polisi untuk meneliti dokumen. Semasa tempoh ini, jika anda memilih untuk membatalkan polisi, Kami akan membayar balik premium yang telah dibayar, ditolak sebarang perbelanjaan yang ditanggung bagi penilaian risiko di bawah polisi anda.

Jika dokumen polisi anda dihantar melalui pos, Kami akan menganggap ia telah dihantar dan diterima tujuh (7) hari selepas tarikh penghantaran.

8. Maklumat Am

Ringkasan produk ini untuk maklumat am sahaja. Ia bukan suatu kontrak insurans. Terma dan syarat terperinci bagi pelan insurans ini seperti dinyatakan dalam kontrak polisi.

Anda bertanggungjawab untuk memastikan maklumat yang tepat dan lengkap diberi kepada Kami:

- (a) dalam sebarang permohonan polisi; dan
- (b) semasa membuat sebarang tuntutan di bawah polisi.

Anda boleh menghubungi wakil kewangan anda untuk maklumat lanjut berkenaan prosedur penarikan balik, serahan atau tuntutan di bawah polisi anda. Anda juga boleh layari laman sesawang Great Eastern untuk maklumat berkenaan cara membuat tuntutan.

Jika terdapat sebarang percanggahan antara versi Bahasa Inggeris dan Bahasa Malaysia untuk dokumen ini, versi Bahasa Inggeris akan digunakan.

Penafian Indeks**S&P 500 Engle 6% VT TCA Index**

"Indeks S&P 500 Engle 6% VT TCA" adalah produk milik S&P Dow Jones Indices LLC atau sekutunya ("SPDJI"), menggabungkan pengkaedahan yang dilesenkan daripada UBS AG ("UBS"), dan telah dilesenkan semula untuk kegunaan Syarikat. S&P®, S&P 500®, US 500™ dan The 500™ adalah tanda dagangan milik S&P Global, Inc. atau sekutunya ("S&P"); Dow Jones® adalah tanda dagangan berdaftar milik Dow Jones Trademark Holdings LLC ("Dow Jones"); Engle™ adalah tanda dagangan milik Engle Volatility Consulting LLC ("Engle Consulting"), dengan penyelidik utama Robert F. Engle ("Engle"), dan tanda dagangan ini telah dilesenkan untuk kegunaan SPDJI dan dilesenkan semula bagi tujuan tertentu Syarikat.

Pelaburan secara langsung dalam indeks adalah mustahil. Prestige Wealth Index berdasarkan Indeks S&P 500 Engle 6% VT TCA tidak dikeluarkan atau dijual oleh SPDJI, Dow Jones, S&P, mana-mana sekutu mereka (secara kolektif, "S&P Dow Jones Indices"), Engle Consulting, Engle atau UBS. S&P Dow Jones Indices, Engle Consulting, Engle atau UBS tidak membuat sebarang pernyataan atau waranti, secara nyata atau tersirat, kepada pemilik Prestige Wealth Index atau mana-mana pihak awam berkenaan kesesuaian pelaburan dalam sekuriti secara umum atau dalam Prestige Wealth Index secara khusus atau keupayaan Indeks S&P 500 Engle 6% VT TCA untuk mengukur prestasi pasaran umum. Prestasi lepas indeks bukan petunjuk atau jaminan keputusan masa depan. Hubungan antara S&P Dow Jones Indices, Engle Consulting, Engle dan UBS dengan Syarikat berkaitan Indeks S&P 500 Engle 6% VT TCA hanya dalam bentuk pelesenan Indeks dan tanda dagangan tertentu, tanda perkhidmatan dan/atau nama dagangan milik S&P Dow Jones Indices dan/atau pemberi lesennya. Indeks S&P 500 Engle 6% VT TCA ditentukan, digubah dan dikira oleh S&P Dow Jones Indices tanpa mengambil kira Syarikat atau Prestige Wealth Index. S&P Dow Jones Indices, Engle Consulting, Engle dan UBS tiada kewajipan untuk mengambil kira keperluan Syarikat atau pemilik Prestige Wealth Index dalam menentukan, mengubah atau mengira Indeks S&P 500 Engle 6% VT TCA. S&P Dow Jones Indices dan pemberi lesen pihak ketiga tiada kewajipan atau tanggungjawab dalam pentadbiran, pemasaran atau perdagangan Prestige Wealth Index. Tiada jaminan bahawa produk pelaburan berdasarkan Indeks S&P 500 Engle 6% VT TCA dapat mengukur prestasi indeks dengan tepat atau memberi pulangan pelaburan positif. S&P Dow Jones Indices LLC bukan penasihat pelaburan, penasihat perdagangan komoditi, pengendali kumpulan komoditi, pengantara dagangan, pemegang amanah, penganjur (seperti dinyatakan dalam Akta Syarikat Pelaburan 1940, seperti dipinda), "pakar" seperti bernombor dalam 15 U.S.C. § 77k(a) atau penasihat cukai. Penyertaan sekuriti, komoditi, mata wang kripto atau aset lain dalam indeks bukanlah suatu cadangan daripada S&P Dow Jones Indices untuk membeli, menjual atau menyimpan sekuriti, komoditi, mata wang kripto atau aset lain dan tidak dianggap sebagai nasihat pelaburan atau nasihat perdagangan komoditi.

S&P DOW JONES INDICES, ENGLE CONSULTING, ENGLE, UBS ATAU MANA-MANA PEMBERI LESEN PIHAK KETIGA LAIN TIDAK MENJAMIN KECUKUPAN, KETEPATAN, KETEPATAN MASA DAN/ATAU KELENGKAPAN INDEKS S&P 500 ENGLE 6% VT TCA ATAU SEBARANG DATA BERKAITAN ATAU SEBARANG KOMUNIKASI, TERMASUK TETAPI TIDAK TERHAD PADA KOMUNIKASI LISAN ATAU BERTULIS (TERMASUK KOMUNIKASI ELEKTRONIK) YANG BERKENAAN. S&P DOW JONES INDICES, ENGLE CONSULTING, ENGLE, UBS DAN MANA-MANA PEMBERI LESEN PIHAK KETIGA LAIN TIDAK TERTAKLUK PADA SEBARANG GANTI RUGI ATAU TANGGUNGJAWAB BAGI SEBARANG KESILAPAN, KECUAIAN ATAU KELEWATAN. S&P DOW JONES INDICES, ENGLE CONSULTING, ENGLE, UBS DAN MANA-MANA PEMBERI LESEN PIHAK KETIGA LAIN TIDAK MEMBUAT PERNYATAAN ATAU MEMBERI WARANTI DAN SECARA KHUSUS MENAFIKAN SEMUA WARANTI, BERKAITAN KEBOLEHDAGANGAN ATAU KESESUAIAN UNTUK TUJUAN TERTENTU ATAU KEGUNAAN ATAU KEPUTUSAN YANG AKAN DIPEROLEH SYARIKAT, PEMILIK PRESTIGE WEALTH INDEX ATAU MANA-MANA INDIVIDU ATAU ENTITI DARIPADA PENGGUNAAN INDEKS S&P 500 ENGLE 6% VT TCA ATAU DATA BERKAITAN. TANPA MENGEHADKAN SEBARANG PERKARA DI ATAS, S&P DOW JONES INDICES, ENGLE CONSULTING, ENGLE, UBS ATAU MANA-MANA PEMBERI LESEN PIHAK KETIGA LAIN TIDAK BERTANGGUNGJAWAB BAGI SEBARANG GANTI RUGI TIDAK LANGSUNG, KHAS, SAMPINGAN, BERSIFAT HUKUMAN ATAU BERTURUTAN TERMASUK TETAPI TIDAK TERHAD PADA KERUGIAN KEUNTUNGAN, KERUGIAN PERDAGANGAN, KERUGIAN MASA ATAU REPUTASI, WALAUPUN MEREKA TELAH DINASIHATKAN BERKENAAN KEMUNGKINAN GANTI RUGI TERSEBUT, SAMA ADA DALAM KONTRAK, KESALAHAN SIVIL, LIABILITI KETAT ATAU SEBALIKNYA. S&P DOW JONES INDICES TIDAK MENYEMAK, MENYEDIAKAN DAN/ATAU MENGESAHKAN MANA-MANA BAHAGIAN, SERTA S&P DOW JONES INDICES TIDAK MEMPUNYAI SEBARANG KAWALAN TERHADAP PENDAFTARAN, PROSPEKTUS ATAU BAHAN TAWARAN LAIN PRESTIGE WEALTH INDEX. TIADA PIHAK KETIGA YANG MENDAPAT MANFAAT BAGI SEBARANG PERJANJIAN ATAU PENYEDIAAN ANTARA S&P DOW JONES INDICES DAN SYARIKAT, SELAIN PEMBERI LESEN S&P DOW JONES INDICES.

Penafian Indeks**Citi Flexibeta 8% VT Index**

Indeks Citi Flexibeta 8% VT ("Indeks") ditadbir dan diterbitkan Citigroup Global Markets Limited (bersama syarikat sekutunya, "Citigroup"). Citi ialah tanda dagangan dan tanda perkhidmatan berdaftar milik Citigroup Inc. atau sekutunya dan digunakan serta didaftarkan di seluruh dunia.

Citigroup tidak bertindak sebagai pentadbir indeks ("Pentadbir Indeks") dan/atau ejen pengiraan indeks ("Ejen Pengiraan Indeks"), berhubung dengan Indeks dan mana-mana pengarah, pegawai, pekerja, wakil, perwakilan atau ejen masing-masing (setiap satu dirujuk "Pihak Berkaitan"), membuat sebarang pernyataan atau waranti, sama ada secara nyata atau tersirat, berkenaan (1) kesesuaian pembelian Prestige Wealth Index (USD) ("Produk Kewangan"); (2) tahap Indeks mengikut sebarang masa tertentu pada sebarang tarikh tertentu; (3) hasil yang akan diperoleh oleh mana-mana pelabur dalam Produk Kewangan atau mana-mana individu atau entiti lain, daripada penggunaan Indeks atau sebarang data yang terkandung di dalamnya bagi sebarang tujuan; (4) kebolehdagangan atau kesesuaian untuk tujuan tertentu Indeks; atau (5) sebarang perkara lain. Produk Kewangan ini tidak direka, ditaja, disokong, dijual, ditaja jamin, diedarkan, dipromosikan, dikeluarkan atau ditadbir oleh Citigroup. Setiap Pihak Berkaitan dengan ini secara nyata menafikan, setakat yang dibenarkan undang-undang berkenaan, semua waranti bagi ketepatan, kelengkapan, kebolehdagangan atau kesesuaian untuk tujuan tertentu berkaitan Indeks. Pihak Berkaitan tidak mempunyai sebarang tanggungjawab, (secara langsung atau tidak langsung, khas, bersifat hukuman, berturutan atau sebaliknya) pada mana-mana pihak, walaupun dimaklumkan berkenaan kemungkinan kerugian. Pentadbir Indeks atau Ejen Pengiraan Indeks tiada sebarang kewajipan untuk meneruskan pengiraan, penerbitan dan penyebaran Indeks dan tidak akan bertanggungjawab atas sebarang kesilapan, kecuai, gangguan atau kelewatan yang berkaitan Indeks. Pentadbir Indeks dan Ejen Pengiraan Indeks masing-masing akan bertindak sebagai pihak utama dan bukan sebagai ejen atau fidusiari bagi mana-mana pihak lain.

Indeks adalah nosional dan tidak mewakili, atau memberi sebarang hak terhadap portfolio aset sebenar. Yuran nosional (jika ada), yang ditolak daripada tahap indeks suatu indeks, dinyatakan dalam syarat indeks bagi indeks tersebut. Kos nosional (jika ada), yang ditolak berkaitan dengan konstituen suatu indeks, dinyatakan dalam syarat indeks bagi indeks tersebut. Tahap indeks boleh menurun dan meningkat, bergantung pada keadaan pasaran dan faktor lain. Risiko yang timbul berkaitan suatu indeks, termasuk faktor yang boleh menjejaskan prestasi indeks dan konstituen suatu indeks, dinyatakan dalam syarat indeks bagi indeks tersebut. Syarat indeks juga menerangkan bagaimana suatu indeks boleh diselaraskan sebagai tindak balas terhadap keadaan tertentu. Syarat indeks juga menerangkan pengurusan pentadbiran suatu indeks, dan menjelaskan bahawa kepentingan pelabur individu tidak diambil kira. Konstituen suatu indeks mungkin termasuk indeks lain.

Semasa urusan biasa perniagaan, mana-mana Pihak Berkaitan boleh memasuki atau mempromosikan, menawarkan atau menjual urus niaga atau pelaburan (berstruktur atau sebaliknya) yang dikaitkan dengan mana-mana Indeks dan/atau mana-mana konstituen. Sebagai tambahan, mana-mana Pihak Berkaitan boleh mempunyai, atau mungkin pernah mempunyai, kedudukan prinsipal panjang atau pendek dan/atau berdagang secara aktif, dengan membuat pasaran kepada pelanggan, dalam kedudukan atau berkaitan dengan mana-mana Indeks atau mana-mana konstituen, atau boleh melabur atau terlibat dalam urus niaga dengan pihak lain, atau bagi pihak orang tersebut yang berkaitan dengan mana-mana perkara ini.

Pihak Berkaitan juga boleh melaksanakan urus niaga lindung nilai berkaitan permulaan atau penamatan produk atau urus niaga kewangan, yang boleh menjejaskan harga pasaran, kadar atau faktor pasaran lain yang mendasari mana-mana konstituen atau mana-mana Indeks. Pihak Berkaitan mungkin mempunyai hubungan perbankan pelaburan atau komersial lain dengan akses pada maklumat daripada pengeluar konstituen. Aktiviti tersebut mungkin atau tidak mungkin memberi kesan pada tahap mana-mana Indeks, tetapi pelabur berpotensi dan rakan niaga perlu mengetahui bahawa konflik kepentingan boleh timbul apabila mana-mana pihak bertindak dalam lebih daripada satu kapasiti, dan konflik tersebut mungkin memberi kesan (sama ada positif atau negatif) pada tahap mana-mana Indeks.

Indeks diuraikan secara penuh dalam Syarat Indeks. Indeks adalah hak milik dan sulit kepada Pentadbir Indeks. Tiada mana-mana pihak dibenarkan menggunakan Indeks dengan sebarang cara atau menggandakan atau menyebarkan maklumat berkaitan Indeks tanpa kebenaran bertulis terlebih dahulu daripada Pentadbir Indeks. Indeks ini tidak ditaja, disokong atau dipromosi dalam sebarang cara oleh pengeluar atau penaja, mana yang berkenaan, bagi mana-mana konstituen.

Salinan Syarat Indeks dan penerangan Indeks dalam bahasa mudah boleh didapati pada pautan laman sesawang yang dikendalikan Citi seperti dinyatakan di bawah:

<https://www.citivelocity.com/investmentstrategies/indices/ciisfb8v>